

撰述

香港新界風土名勝大觀 江山故人

(六八) (禁止轉載)

第三章 南部寫真

(七) 荔枝角

荔枝角居長沙灣之西、區域不廣、計由西之荔枝角灣以東之昂峨山、其長不及一英里、其地處昂峨山與昂峨山之麓、而遠接城門石壟、山之來脈也、第二段長沙灣、由尖沙嘴至此、計半小時、由二段汽車由官涌、其終站設於荔枝角灣之東南、尾車開至夜間十二時

二十分鐘、青山道至荔枝角監獄前即向山行、其左有路達荔枝角、亦曰荔枝角道、該處僅有樓宇數十間、又有三星、得志、廣治興、協興居等茶室、餘如髮室、雜貨店、小食攤、藥材肆等、亦散處其間、計之不過八九間耳、此外有美孚火油公司火油井、開源煤礦公司貯貨場、荔枝角游泳池、荔枝角監獄、梅江旅館、監獄設於小邱上、規模聳立、週圍以牆、

形如小城、為香港監獄之最完善者、其下、昔有楊屋村、今已就地建女監獄一所、旁有菜畦、為囚犯所灌溉、東與梅江旅館相對、隔處為一小涌、沿涌畔行、繞昂峨山之腰而全蜩蜩谷、需時二十五分、梅江旅館位於青山道旁、共有小房七間、皆就水南面而立、並絕以垣、垣內噴地、有一小井、深可三丈、正門之梅江旅館四字、為光緒二十三年丁酉流夏翰林院檢討溫仲和所書、配聯

云、安居萍水客、歷洽梓鄉人、此乃舊時旅館、為新界所僅見者、今已分租與人、此屋為美豐米粉廠、工人六七居此、後列之屋、每屋有一房五間、設牀者、每房月租一圓二角、無牀者、月租一圓或八角、居者多為小販苦力或現工、最後一間為嘉屬先人神位、屋後餘地植荔枝龍眼各一株、結構雖簡、而居者咸怡然自樂、此新界之平民宮也、

(未完)

特約撰述

香港新界風土名勝大觀

江山故人

(七八一)

(禁止轉載)

第三章 南部寫真

(七) 荔枝角

荔枝角灣縱橫約一英方里之三份一、東西小邱對峙、北通九華徑、南望昂船洲、有陸軍游泳棚及公眾海浴場、東部有中華基督教青年會之游泳場、設備雖無香港北角游泳場之盛、而每當盛夏、九龍半島士女、趨之若鶩焉、蓋半島一帶、宜於海浴者、僅有此灣與紅磡之大灣而已、此區商店既少、居者

與游泳者遂減、晚間更為寥寂、斜望九龍半島沿岸燈火、若與香港海濱者相連、千月臨江、遠來浮影、尤覺該處之寥寂也、
蝴蝶谷 在昂峨山之西北、其地林木參天、流泉交響、山勢環繞如谷、春時蝴蝶千百、紛集其間、綢緞飛舞、或戲或止、大小種類多、綴紛不一、然以黑色者最則茂、蝴蝶竟集於此、游者異之、因名其地曰蝴蝶谷、與

九龍水塘側之猴子林兩相輝映、惟至秋時、蝶去林空、過者無然、游島地者、宜乘第二段或第十二段之長途汽車、至梅江旅館前下車、依梅江旅館之西、沿階下行、過處道路多不整、約十分鐘漸趨昂峨山之麓、有路上下分岐、從上路行、漸登高處、約在水平綫上二百餘英尺、沿途皆繞昂峨山之腰、兩旁松樹交柯、濃陰翳道、時聞澗水淙淙、細碎清聽、路因山勢而東折、左隄、幽谷

林深、即為蝴蝶谷矣、由青山道至此、需時二十五分、再沿山徑而東北行、約十餘分鐘、可至九龍瀝水塘、復登山、則抵大埔路矣、
七處、上述九龍城、九龍仔等今併併於舊九龍矣、將來而區之建設、必與今日之九龍不同、互相進行、村落既須淘汰、而市區之展拓、必使相毗連而後已、故荔枝角與長沙灣之繁榮、當存指顧間也

(未完)